



Inatsisartut Suleriaasianni § 37 imm. 1 naapertorlugu Naalackersuisunut apeqquq imaattoq matumuuna saqqummiuppara:

**Naalackersuisunut apeqquq:**

1. **Kalaallit Nunaanni puisit amii qanoq amerlatigisut ukioq 2017-imi tunineqarsimapat?**
2. **Kalaallit Nunaanni puisit amiisa tunineqartarneranni qanoq puisip amia ataaseq akilerlugu pisiarineqartarpa?**
3. **Kalaallit Nunaanni inuussutissarsiutigalugu piniartut kisimik puisip amiinik tunisisinnaatitaappat?**
4. **Kalaallit Nunaanni saniatigooralugu pinialuttartut Naalackersuisuniik puisip amiinik tunisaqarsinnaanermikk periartiffissiuussiniarpap?**
5. **Kalaallit Nunaata sineriaani sumi illoqarfinni aamma nunaqarfinni puisit amiinik tunitsiveqarpa?**
6. **Kalaallit Nunaanni puisip amiinik tunitsivinni qapiarfinnik maskiinanik peqartoqarnerseq Naalackersuisut tamanna misissorsimanerlugu? Pilersitsiniarnerseq?**
7. **Kalaallit Nunaanni puisip amiinik tunitsivinni qapiarfinnik maskiinanik pilersuisoqassappat qanoq akeqarnerseq misissorneqarnikuuva?**

(Inatsisartunut ilaasortaq Jens Napätök, Partii Naleraq)

**Tunngavilersuutit:**

Great Greenland A/S puisit amiinik avammut niuerutissaminik amigaateqartualersimasooq paasisimalerparput, tamannalu amigaateqartualerseq pakkersimaarniarlugu saniatigooralugu pinialuttartut puisip amiinik tunisisalerpata tamanna suliffissaqartitsiniarnermik aammalu nunap iluani aningaasarsiormik iluaqutaasinnaasutut takorloorneqarpoq.

Piniarnerinnarmik inuussutissarsiuteqartut atugaannik innarliinngikkaluarluni aaqqissuussisoqarsinnaanera takorloorneqarsimanerseq paaserusunnarmat. Tassunga ilanngullugu tunitsiveqarfiusuni qapiarfinnik maskiinaasunik peqartoqalerneratigut amigaateqartualersimaneq pakkersimaarneqarsinnaagaluartooq isumaqaratta. Tamassumap malitsigissammagu tunisassiat kusanarnerseq aammalu eqqiluinnerseq orsortaarluakkat.

Kissaatigaara apeqququma piffissarititaasut ullut sulliviit qulit iluanni akineqassasoq

**Inatsisartunut ilaasortaq Jens Napätök**

Imaneq 1, Postboks 4120, 3900 Nuuk, E-mail.: [jnapp@inatsisartut.gl](mailto:jnapp@inatsisartut.gl) Nittartagaq.: [www.partiinalleraq.gl](http://www.partiinalleraq.gl)  
Oqarasuaatit.: +299 34 50 00 Toqqaannartoq.: +299 34 62 30 Angallattagaq.: +299 25 88 66